



Na osnovu člana 13. Zakona o kantonalnoj agenciji za privatizaciju ("Službene novine Tuzlansko-podrinjskog kantona", broj 3/97), člana 9. i člana 26. Zakona o privatizaciji preduzeća ("Službene novine Federacije BiH", broj 27/97), člana 6. Zakona o početnom bilansu stanja preduzeća i banaka ("Službene novine Federacije BiH", broj 12/98), Uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 10/98), člana 3. Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju ("Službene novine Federacije BiH", broj 26/98) i Odluke Upravnog odbora Kantonalne agencije za privatizaciju u Tuzlanskom kantonu od 30.07.2002.godine, Direktor Kantonalne agencije za privatizaciju donosi

Rješenje o odobravanju korigovanog početnog bilansa

Odobrava se korigovani početni bilans preduzeća DD "MAGROSPROMET" sa sjedištem u Tuzli i sa JMB 1390503, na dan 31.12.2001. godine.

Ukupan kapital preduzeća iznosi 486.214,00 KM (100% državni)

Državni kapital u nominalnom iznosu od 486.214,00 KM (100% državni) prodaje se u postupku male privatizacije metodom tendera.

Ukoliko se državni kapital u nominalnom iznosu od 486.214,00 KM (100% državni kapital) ne proda ni nakon dva raspisana tendera, prodaja će se vršiti metodom neposredne pogodbe.

Obrazloženje

Radi usaglašavanja knjigovodstvene vrijednosti i strukture trajnog kapitala u poslovnim knjigama i početnom bilansu preduzeću DD "MAGROSPROMET" Tuzla, na dan 31.12.2001.god., sa Odlukom o odobravanju korigovanog početnog bilansa, neophodno je da preduzeće:

1. Doknjiži na bilansnoj poziciji "Zemljište i šume" iznos od 30.618,00 KM uz istovremeno povećanje kapitala za isti iznos.
2. Isknjiži stanove na teret kapitala u iznosu od 26.151,00 KM.

Saglasno prethodno navedenom, članu 6. stav 3. Zakona o početnom bilansu stanja preduzeća i banaka, koji je utvrdio obavezu subjekta privatizacije da sačine i dostave korigovani početni bilans stanja ukoliko je od pripreme proteklo više od 6 mjeseci, članu 11. stav 3. Zakona o privatizaciji preduzeća, članu 88. Pravilnika o postupku prodaje imovine i dionica ili udjela preduzeća i Odluci Upravnog odbora Kantonalne agencije za privatizaciju u Tuzlanskom kantonu od 30.07.2002.godine, Direktor Kantonalne agencije za privatizaciju u Tuzlanskom kantonu je donio Rješenje kao u dispozitivu.

Protiv ovog Rješenja može se uložiti žalba resornom Ministarstvu putem KAP u roku od 15 dana od dana prijema Rješenja.

Žalbu može podnijeti Upravni odbor preduzeća.

Podnosilac žalbe dužan je uplatiti Kantonalno administrativnu taksu u iznosu od 5,00 KM, u korist Budžeta TK na ŽR br. 1321000256000080 sa šifrom prihoda 722121

Broj: 01-3468/2002

Tuzla, 01.08.2002. godine



Direktor
Bahrija Tanović
Bahrija Tanović, dipl. ecc